



Broj: T09 0 KT 0194731 24
Sarajevo, 20.12.2024. godine

HITNO – PRITVOR!

KANTONALNI SUD SARAJEVO
Sudiji za prethodno saslušanje
SARAJEVO

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ź N I C U

PROTIV:

- 1. GORAN RAVLIĆ, zvani „Gogo“**, rođen 1988. godine, nastanjen u, državljanin BiH, završena SSS, po zanimanju hotelsko-turistički tehničar, pismen, nezaposlen, oženjen, JMBG:, **osuđivan**, i to Presudom Općinskog kaznenog suda Zagreb broj: 17.K-1842/18-22, pravosnažna dana 22.05.2019. godine, zbog krivičnog djela teška tjelesna povreda, prijetnja, **nalazi se u pritvoru po Rješenju Kantonalnog suda u Sarajevu od 30.06.2024. godine, a koji pritvor je produžen Rješenjem Kantonalnog suda u Sarajevu od 26.07.2024. godine i Rješenjem Kantonalnog suda u Sarajevu od 25.09.2024. godine i može trajati do 25.12.2024. godine ili do druge odluke suda**
- 2. LEDIBA RAVLIĆ**, rođena 1948. godine, nastanjena u, državljanka BiH, završena VSS, po zanimanju dipl. pravnik, u penziji, pismena, udovica, majka jednog djeteta, JMBG:, **neosuđivana, nalazi se u pritvoru po Rješenju Kantonalnog suda u Sarajevu od 30.06.2024. godine, a koji pritvor je produžen Rješenjem Kantonalnog suda u Sarajevu od 26.07.2024. godine i Rješenjem Kantonalnog suda u Sarajevu od 25.09.2024. godine i može trajati do 25.12.2024. godine ili do druge odluke suda**
- 3. LATIF JAŠAREVIĆ, zvani „Laco“**, rođen 1957.godine, nastanjen u, po narodnosti Bošnjak, državljanin BiH, po zanimanju mašinski tehničar u penziji, SSS, neoženjen, nema djece, služio vojni rok 1980.godine, Šabac – Pančevo, lošeg imovnog stanja, JMBG:, **neosuđivan**

Što su:

Ravlić Goran i Ravlić Leđiba zajedno

1. Tačno neutvrđenog dana u periodu od prve polovine mjeseca maja 2024. godine do dana 28.06.2024. godine, u Sarajevu, u ulici, opština, u stanu vlasništvo Ravlić

Leđibe, po prethodnom dogovoru, svjesno i htijući, u namjeri da N.R., suprugu Ravlić Gorana, usmrte, što su i htjeli, istu prethodno na različite načine psihički i fizički zlostavljali, nanosili joj jake duševne bolove, nanoseći joj dugotrajne i intenzivne patnje na način da su joj gore navedeni vremenski period nanosili različite povrede, izgledjivali je, šišali i čupali joj kosu, uskratili joj bilo kakvu vrstu komunikacije sa spoljnjim svijetom, onemogućili joj pristup mobilnom telefonu i drugim sredstvima komunikacije, onemogućili izlaske van prostorija stana na adresi, opština, zatim N.R. vezali, da bi je onesposobili da pruži bilo kakav otpor, zatim istoj više puta nanosili brojne različite povrede, i to: u vidu ujedina desnog obraza, nastale djelovanjem zuba Ravlić Leđibe, povrede u vidu krvne podlivenosti kože lica i potkožnih mekih tkiva, zatim povrede u vidu nagnječine kože na granici desnog ispodočnog i desnog obraznog predjela, nagnječine kože lica i čela mjestimično, nagnječine vrata sa krvnim podlivima kojih ih okružuju, oguljotine kože vrata, oguljotine kože lijevog ključnog predjela, oguljotine kože lijeve strane grudnog koša, oguljotine kože unutrašnjeg dijela desnog ramena, oguljotine kože desnog lopatičnog i desnog ispodlopatičnog predjela, oguljotine kože, predjela unutrašnje strane obje nadkoljenice, krvni podliv u predjelu prednje strane podlaktice leđnog predjela, oguljotine kože slabinskog predjela desnostrana, a koje povede su nastale djelovanjem noktiju i šaka, krvne podlive i oguljotine kože donje trećine desne podlaktice, desnog ručnog zgloba, desnog skočnog zgloba, gornjeg dijela natplate desnog stopala uz skočni zglob, a koje povrede su nastale vezivanjem, krvne podljeve razderno-nagnječne rane i oguljotine kože koje su nastale višestrukim udarcima nekim tupo-tvrđim sredstvima, mjestimična istrgnutost vlasi kosmatog dijela lobanje u tjemnim predjelima kao posljedica povlačenja, odnosno iščupavanja vlasi iz korijena, zatim povrede u vidu opekotina kože palca desne šake, nanesene djelovanjem zagrijanog vrelog predmeta manje kontaktne površine moguće cigaretom, uslijed čega je N.R. zadobila lake tjelesne povrede, zatim povrede u vidu krvnih podljeva kože i potkožnih mekih tkiva uz prelom lijeve nadlaktične kosti, iščašenje oba laktna zgloba i zgloba četvrtog prsta desnog stopala, prelome drugog i četvrtog rebra lijevo i prelomi drugog i trećeg rebra desno, zatim prelom nosnih kostiju uz krve podljeva kože i potkožnih mekih tkiva, uslijed čega je N.R. zadobila obične teške tjelesne povrede, nastale jednim ili višestrukim udarcima nekim tupo-tvrđim sredstvom, udarcem šakom ili aktivnim pritiskom nekog povrednog sredstva moguće koljenom i laktom, zatim N.R. kontinuirano seksualno zlostavljali na način da su joj upotrebom nekog tupo-tvrđog obličastog predmeta, moguće oklagijom nanosili povrede u vidu krvnih podljeva u predjelu genitalija, razdora krova rodnice, dijela potbušne zdjelice, uslijed kojih povreda je došlo do izlivanja krvi u trbušnu šupljinu, uslijed čega je N.R. zadobila teške tjelesne povrede opasne po život, zatim tačkasta krvarenja sa seroznim opnama kao posljedica pritiska na lice sa začepljenjem nosa i usta, što upućuje na ugušenje, uslijed čega je oštećena zadobila tešku tjelesnu povredu opasnu po život, a koja povreda je doprinijela neposrednom uzroku smrti, zatim povrede u vidu krvnih podljeva kože i potkožnih tkiva u nivou grudne kosti sa prijelomom grudne kosti, razdorom srca, izlivom krvi u srčanu kesu, uslijed kojih je N.R. zadobila teške tjelesne povrede opasne po život, od kojih povreda je preminula, a potom tijelo N.R. držali u sobi u navedenom stanu tri do pet dana, u namjeri prikriivanja neugodnih mirisa u postmortalnoj fazi, te koristili razne vrste osvježivača i mirisnih svijeća, a sve s ciljem da prikriju ubistvo N.R.

Jašarević Latif – sam

2. U vremenskom periodu od 25.06.2024. godine do 28.06.2024. godine, na području opština Novo Sarajevo i Novi Grad, po prethodnom dogovoru sa Ravlić Goranom i Ravlić Leđibom, koji su osumnjičeni da su počinili krivično djelo Ubistvo kako je to opisamo pod tačkom 1. optužnice, svjestan da su imenovani počinili krivično djelo za koje se može izreći kazna dugotrajnog zatvora, a koje nije prijavio, iako je znao da od takve prijave zavisi blagovremeno otkriivanje

počinitelja krivičnog djela, te svjestan da krije počinitelje i da istima pomaže da prikriju tragove i da ne budu otkriveni, što je sve i htio, na način da je po uputama osumnjičene Ravlić Leđibe, zajedno sa osumnjičenim Ravlić Goranom u više navrata u prodajnim objektima TC „.....“, TC „.....“, TC „.....“, TC „.....“, kupovao predmete podobne za uklanjanje tijela N.R. i uništenja tragova i to: sjekiru, pilu, set noževa, više plastičnih kutija koje drže odgovarajuću temperaturu, patrone amonijaka za prenosive frižidere, mašinu za mljevenje mesa, više selotejp traka, vreće za smeće, plastične rukavice, plastična odijela, zaštitne maske, više sredstava za dezinfekciju i čišćenje, koji predmeti su pronađeni tokom uviđaja na licu mjesta

Dakle, pod tačkom 1. optužnice Ravlić Goran i Ravlić Leđiba zajedno drugog usmrtili na okrutan način, **pod tačkom 2. optužnice** Jašarević Latif nije prijavio učinitelje krivičnog djela za koje se može izreći kazna dugotrajnog zatvora, te pomogao Ravlić Goranu i Ravlić Leđibi da prikrivanjem tragova ne budu otkriveni

Čime bi,

pod tačkom 1. optužnice, Ravlić Goran i Ravlić Leđiba počinili krivično djelo Ubistvo iz člana 166. stav 2. tačka a) KZ F BiH, u vezi sa članom 31. istog Zakona

pod tačkom 2. optužnice, Jašarević Latif počinio krivično djelo Neprijavlivanje krivičnog djela iz člana 345. stav 1. KZ F BiH i krivičnog djela Pomoć učinitelju poslije učinjenog krivičnog djela iz člana 346. stav 3. KZ F BiH, u vezi stava 1., a sve u vezi sa članom 54. istog Zakona.

PRIJEDLOG ZA PRODUŽENJE MJERE PRITVORA PREMA OSUMNJIČENIM RAVLIĆ GORANU I RAVLIĆ LEĐIBI

Predlažem da se prema osumnjičenim Ravlić Goranu i Ravlić Leđibi u smislu odredbe člana 151. stav 1. i člana 242. stav 3. ZKP FBiH, nakon potvrđivanja optužnice produži pritvor, obzirom da još uvijek stoje razlozi iz kojih je pritvor i određen, odnosno iz osnova člana 146. stav 1. tačka a) b) i d) u odnosu na osumnjičenog Ravlić Gorana, a u odnosu na osumnjičenu Ravlić Leđibu iz posebnih pritvorskih razloga po osnovu člana 146. stav 1. tačka b) i d) ZKP FBiH.

KANTONALNI TUŽILAC